

安縣志
士心

地 280.125

35

年 1-8

同治歲次甲子巳巳月刻

安縣志

板存衙署



序
今

天子二年三月除天鵬知安縣事時賊匪逼境城無守
兵幸民團用命設險四郊賊乃繞境三面逸天鵬
見民氣忠憤踴躍同仇知此邦之好勇守義大可
用也是年四月奉方伯檄取近年遇賊殉難紳民
婦女纂入通志爰稽咸豐十一年藍逆分賊陷安
城屠戮士民前知縣張香海與汛捕官以身殉一
時城居士民婦孺有孑遺其四鄉屢被焚擄皎

安縣志

卷一

序

前

然立節義者亦復赫赫在人耳目此皆

歷聖仁育義正風教所作有以感發吾民之心志而使
邊省居民舍生取義凜凜有大節若此吾安洵可
爲守禮之邦矣補修志乘闡發幽光誠有司事也
况安邑前志板片燬於賊僅存十之四五無以補
而完之則前人草創補輯之功不幾廢乎即日延
邑舉人陳嘉繡等採訪近數十年立節死義敦品
一切足爲民法遺事前志未載益之前志已缺補
之雖微必彰雖賤必錄不數月而補梓成書後之

覽者足以興矣吾願與安邑人士沐浴

盛朝雅化完此凋殘足衣食而生禮義則孝悌慈祥不
尤樂而可貴乎是爲序

同治二年歲次癸亥十二月下澣安康余天鵬撰

安縣志

卷一

序

前

纂輯陳嘉繡劉炳

同採訪人龍錦生楊德成鄭繼志陳宇駟劉嘉宇
查明書院等項事跡人林芝仙李培成何衢亨王
紹德

舊志序

安邑屬左綿縱橫各百有餘里縣小地僻爲古羌人舊國自漢唐以迄元明建置屢易文獻不彰志乘之無聞由來久矣我

國家

列聖相傳深仁廣被薄海內外治一道同安邑之在版宇猶太倉稊米耳而上下百數十年間涵濡生息戶口繁滋人文蔚起蒸蒸然風教頓殊爲夫士大夫躬逢盛事目擊休風得以握尺符膺民社撫馭

安縣志

原序

補刻

一方顧忍令山川之靈異風土之忠淳與夫孝子悌弟偉男貞婦之芳躅僅同於鏡花水月一絢耀而遂無迹可尋也君子惜之張君之莅茲土也八年矣政通人和百廢俱舉一旦慨然念邑乘之無成書自經界以及文藝蒐剔隱微躬親採擇事期徵信疑者缺焉無濫取無遺賢書分十六目以四門統之自建置一門之外以庶富教作三門體裁宏整文藻古麗渺不見草創之艱而精嚴完善卓乎可傳以視夫沿襲舊規抱遺編而增刪補綴者

其勞逸何如也書成問序於余余曰安無志而有志自君始昔卜景超謝加恩令安邑當

國初甫定之時開闢荒蕪招徠流徙興利除害大著經始之績至今廟食茲土君之功不在卜謝二公下豈徒以文章飾吏治者所可同日語哉因憶余以乙酉之春曾爲是邑長吏甫數月卽奉檄他徙迄二十餘年矣其父老當猶有知余者幸爲我告之曰

聖天子在上賢令尹承治於下德洋恩溥百務修明爲

安縣志

原序

二

補刻

善者無不傳泯滅者徒自取尙其作德於鄉漸以作羽儀於邦國庶幾他年碩德鴻才臚於簡冊下以增秉筆者光上以昭

盛朝一德同風之治而後嘆張君創始作志之功長與大安山竝重而不朽矣余固舊令也能不因之預爲忻幸也

乾隆五十四年歲次己酉嘉平月中憲大夫四川通省鹽茶分巡成綿兼管水利道析津林儁撰竝書

舊志序

山川風土隨方而定亦因時而易者也卽土分瘠沃星殊風雨古固有之亦舉其槩耳未嘗執此以異其民

聖朝治隆德盛臨御萬方梯山航海蒸蒸向化古所稱沃瘠風雨之不齊者今皆合內外而一之豈非因時而易哉蜀稱邊省芳至蜀不見其爲邊省也安邑爲蜀僻地芳至安亦不見其爲僻地也蓋

歷聖仁深覆載恩極照臨登億兆於春臺維新而作解

安縣志

原序

三

之至於淪肌浹髓遂會歸其極若此之盛也壬寅夏芳莅茲邑其山川風土燦然可見而俛仰古今茫茫無考於是索志書於吏吏以向來無志對爲之悵然他日接晤教諭戴公維植則曰前令施公廷鈞曾草創焉索其稿止有山水等名及鄉村物產而已甲辰奉檄出口戊申回安戴公已陞夔府教授而去邑紳陳教諭書致邑志底稿五帙於余乃戴公於芳出口後敘次而成其赴夔也授陳公以俟芳來戴公可謂盡心於此矣於是卽其稿重

復敘次纂輯成書一邑所有畧備於此雖文獻茂
如而山川風土頗爲摭實春華不先於秋實尤足
昭

盛朝抑浮尙質之休焉因述其顛末以俟來哲

特授四川直隸綿州安縣知縣寶山張仲芳望林氏撰

安縣志

原序

四

序

歲在辛未蜀之大府請於

朝續修全省通志檄下府廳州縣各輯成書以備采擇
重志乘也余承乏安縣一載餘茲矣小宰無他庸
而典城之寄一人斷斷始入官如晦室懼無以成
名布義因思古賢侯下車之始覽疆索稽戶版攷
山川之表陔度塢流之擗約揖都人士辨博者與
共晨夕問民俗及風土物力之所宜凡佳流素士
淑德奇行賤修盼採均急登之以薰沐來者緬何

安縣志

序

一
補刻

易于李博文諸君之風宣迪醲化綏穆初附每以
不面爲恨企德懷仁輒願與蘭艾同潤也嘗溯前
明建官以上分合情事至於漢唐安縣爲漢涪縣
地在涪江之南故名晉析爲晉興益昌西充國三
縣屬巴西郡縣以國名豈輿圖獨廣與宋齊梁仍
晉制西魏省晉興周改爲金山益昌西充國三縣
隋開皇初益昌省更西充國縣名置神泉縣屬金
州大業中金山亦廢唐爲龍安西昌神泉三縣地
始屬綿州五代因之宋爲龍安神泉二縣地屬石

泉軍寶祐中移石泉軍來治石泉在安縣北通松龍一帶置軍控扼之以備西番不幾重鎮乎元爲安州屬成都府神泉縣省入州明復爲縣仍屬成都此建置沿革之大凡也攷疆域東西距八十里南北距百六十里六雄十緊不足爲今銓課最而前代三符竝列焉我

朝封洹廣開井竽萬集星居士斷度越倍蓰爲長吏者敢不作何祇兼二縣公孫撫五都邑觀榜求舊聞嗣書續記永彰茂實式表洪徽爲一縣治譜之資

安縣志

序

二

補刻

以上答

聖天子建典立度之意耶或謂地不近會治慮其陋也產不及淵雲虞其畧也邃巖岳嶽靈瀆浩波不足絜三神之驩被五材之胄也欲以附古額圖之後毋乃恣與然涪界東西川唐以分節鎮制所而神泉爲樞紐井絡一星繫其顛干辰之輝男傑女烈英魄靈氣炳炳烺烺觀前明李廣生夫婦趙鴻偉父子卓節偉操光燭赤籍而雲門之灑潄金山之嶒岷探龍穴之奇按猿門之戍縱觀松嶺關疊溪

堡大巖靈鷲以西坤維鐵牡激盪邊風所謂左擔
出涪者豈易言耶披圖鏡古爲往復者久之他若
物產殷饒倉儲充實丁男孳息田賦正供竊附于
五比九比之規不敢從畧古慕不歇鬻祠振秀雍
容往詰以當圖畫僑札至於仙夫釋子無不畢載
所以滌塵俗而淪高風也藝文雖簡掌固所系亦
不廢焉爰分部爲三十櫛比鱗次各以類從所采
二十三史以外若常璩華陽國志李吉甫元和郡
縣志樂史太平寰宇記王存元豐九域志楊慎全

安縣志

序

三

補刻

蜀藝文志曹學佺蜀中名勝志諸書而一以

大清一統志爲歸書成爲述其梗概以弁諸首自媿庸
陋不敢妄有撰述卽近今掇拾亦可以爲國章作
身鑑備全省通志之一隅後有君子宏覽博物拮
據益富使豐編照物歷久益光是則余之所厚望
也夫是爲序

嘉慶十有七年歲次壬申陽月下澣金匱楊英燦
撰

安縣志

凡例

一舊志以

欽頒墨刻書籍

御祭李鑑文編於藝文之前各卷之後似非敬謹之義今謹編於卷首以昭慎重

一舊志於建置之外分庶富教三部以各門分隸於下似未妥協今分三十門於每門作一小序倣子雲法言之例孟堅述贊之體俾讀者展卷瞭然

安縣志

凡例

一

補刻

一各郡縣志首列星野說者以天體廣遠度數推測近乎渺茫近時志乘有不立此門者然自馬班以來以天文測九州之地其說相沿已久今仍之一建置沿革備載歷代史志而以

一統志冠首遵

皇輿表之例

一名宦鄉賢節孝祠廟內止列其名氏其事蹟詳見於人物志中庶前後不至複沓

一職官志之首冠以名宦凡仕於斯土功德及民

附於黌宮奉嘗不廢固後起所當景行而興起者也至其莅任先後仍列其名於職官俾後人可以按年稽考

一人物一門分宦績忠義孝友儒林行誼處士其目凡六其人生存者例不爲立傳間有事蹟卓著鄉評允協者倣昌黎爲何蕃立傳之例附載一二人以昭激勸

一列女中節孝炳著者或其人尙存而請旌之年例已符或未及請旌之年而其人已卒皆爲

安縣志

凡例

二

補刻

完節據現在冊報與已蒙

旌獎者一體列傳以表貞操

一藝文一志唐惟孫可之書何易于事一篇宋元竟無隻字明代作者及

國朝諸大家詩文亦復寥寥所登者大半皆邑人及邑令所作方隅之見譴陋自慚如有博雅君子惠我古人篇什以啓窾聞當亟登之簡首比之吉光片羽焉

金匱楊英燦文叔氏識

安縣志目錄

卷首

欽頒墨刻書籍

聖諭

卷一

星野 星圖 諸圖附

卷二

表 沿革

卷三

安縣志

卷一

目錄

疆域

卷四

形勢

卷五

山川

卷六

戶口

卷七

田賦

卷八

倉儲

卷九

水利

卷十

城池

卷十一

鄉鎮 場市附

卷十二

安縣志

卷一

目錄

二

關隘

卷十三

津梁

卷十四

古蹟

卷十五

公署

卷十六

學校 書院附

卷十七

祀典

卷十八

祠廟

卷十九

兵制

卷二十

舖遞

卷二十一

安縣志

卷一

目錄

三

寺觀

卷二十二

稅課

卷二十三

蠲政

卷二十四

職官

卷二十五

選舉

封廕

應例附

武功

卷二十六

人物

卷二十七

忠義

卷二十八 節烈

列女

卷二十九

仙釋

卷三十

安縣志

卷一

目錄

四

物產

卷三十一

藝文

卷三十二

風俗